



謠語卷五

明豫章郭子章彙編

明西蜀顧造訂校

唐謠

新唐書五行志竇建德未敗時童謠云豆入牛口勢不得久豆者竇也建德敗于牛口渚爲白士讓所擒

唐書顏遊秦師古叔父武德初爲廉州刺史郡人歌之廉州顏有道性行同莊老愛民如赤子

言言
卷五
不殺非時草

貞觀十四年交河道行軍大總管侯君集伐高昌先是其國中有童謠曰高昌兵馬如霜雪漢家兵馬如日月日月照霜雪回首自消滅

薛仁貴擊九姓突厥於天山時九姓有衆十餘萬令驍健數十人逆來挑戰仁貴發三矢射殺其餘一時下馬請降仁貴恐爲後患並坑殺之於是九姓衰弱不復爲患邊人歌之將軍三箭定天山戰士長歌入漢關

事文類聚唐田仁會爲平州刺史歲旱自暴以祈雨大至穀遂登人歌曰父母育我今田使君挺精誠兮上天聞中田致雨兮山出雲倉廩實兮禮義申願公常在今不患貧

夏侯亶爲豫州刺史弟喜後亦爲是州刺史並有恩惠百姓歌曰我之有豫州賴夏侯前兄後弟敷政優優

薛大鼎貞觀中徙滄州刺史無棣渠久廢塞鼎乃浚治屬之海商賈流行歌曰新渠通舟楫利

言言 卷五
屬滄海魚鹽至昔徒行今騁駟美哉薛公德湧
被

調露初京城民謠有側堂堂撓堂堂之言太常
丞李嗣真曰側者不正撓者不安自隋以來樂
府有堂堂曲再言堂者唐再受命之象

永淳九年七月東都大雨人多殍殍先是童謠
曰新禾不入箱新麥不入場迨及八九月狗吠
空垣墻

唐高宗自調露中欲封嵩山屬突厥叛而止後
又欲封以吐蕃入寇遂停永淳中既至山下未
及行禮遘疾還宮而崩時童謠曰嵩山凡幾層
不畏登不得但恐不得登三度徵兵馬傍道打
騰騰

永徽後民歌武媚娘曲永徽末里歌有桑條韋
也女時韋也樂遂爲武韋女禍之應

永淳後民歌楊柳楊柳漫頭駝其後徐敬業舉
兵討武后自授揚州司馬李孝逸擒斬之驛馬
馱入洛

垂拱後東都有契苾兒歌皆淫豔之詞契苾張
易之小字也其詞亡傳一作苾契兒

武后如意初里歌曰黃麇黃麇草裏藏彎弓射
爾傷其後契丹叛總管張玄遇王孝傑敗于黃
麇谷

神龍後民謠曰山南烏鵲窠山北金駱駝鎌柯
不鑿孔斧子不施柯山南唐也烏鵲窠者人居
寡也山北胡也金駱駝者虜獲而重載也

武后時童謠曰紅綠複裾長十里五里聞香

武后長壽元年時選舉大濫民間謠云補闕連
車載拾遺成斗量櫻槌侍御史益脫侍中郎有
舉人沈全交取而續之曰糊心存撫使眯目聖
神皇為御史紀先知所擒劾其誹謗之罪太后
笑曰但使卿輩不濫何恤人言先知慚齊魯謂四齒把

櫻曰

安樂公主于洛州造安樂寺童謠曰可憐安樂
寺了了樹頭懸後誅逆韋并殺安樂斬首懸于
竿上

言言 卷三
景龍時又謠曰可憐聖善寺身著綠毛衣牽來
河裏飲踏殺鯉魚兒至景雲中譙王從均州入
都作亂敗走投洛川而死

景龍中謠云一條麻線挽天樞絕去也初武后
造天樞其後中宗卽位敕令推倒之

朝野僉載唐永徽年以後人唱桑條歌云桑條
芾女韋也樂至神龍年中逆韋應之諂佞者鄭
愔作桑條樂詞十餘首進之逆韋大喜擢爲吏
部侍郎賞縑百匹

朝野僉載唐龍朔已來人唱歌名突厥鹽後周
聖歷年中差閻知微和匈奴授三品春官尚書
送武延秀娶成默啜女送金銀器物錦綵衣裳
以爲禮聘不可勝紀突厥翻動漢使竝沒立知
微爲可汗突厥鹽之應

朝野僉載唐景龍中謠云黃栢犢子挽紉斷兩
脚踏地鞋襦斷六月平王誅逆韋挽紉斷者韋
欲作亂鞋襦斷者事不成阿韋是黃犢之也後
朝野僉載唐麟德以來百姓飲酒唱歌曲終而

不盡者號爲族鹽後閻知微從突厥領賊破趙定後知微來則天大怒磔于西市命百官射之河內王武懿宗去七步射三發皆不中其怯懦也如此知微身上箭如蝟毛剉其骨肉夷其九族親疎凡不相識者皆斬之小兒年七八歲驅抱向西市百姓哀之擲果餅與者仍相爭奪以爲戲笑監刑御史不忍害奏捨之其族鹽之言於斯應矣

朝野僉載唐龍朔年已來百姓飲酒作令云子母相去離連臺拘倒子母者盞與盤也連臺者連盤拘盞倒也及則天永昌中羅織事起有宿衛十餘人於清化坊飲爲此令此席人進狀告之十人皆棄市自後廬陵徙均州則子母相去離也連臺拘倒者則天被廢諸武遷放之兆咸亨以後謠莫浪語阿婆嗔三叔聞時笑殺人阿婆者則天也三叔中宗爲第三也
玄宗在潞州有童謠曰羊頭山北作朝堂玄宗由潞州入纂

唐書楊貴妃常以假髮爲首飾而好服黃裙近服妖也時人爲之語曰義髻拋河裏黃裙逐水流

唐天寶中童謠燕燕飛上天天上女兒鋪白瓊瓊上有千錢天寶十四載安祿山以范陽叛明年僭號燕

時幽州又有謠曰舊來誇戴竿今日不堪看但看五月裏清水河邊見契丹

唐德宗建中初童謠一隻筋兩頭朱五六月化

爲蛆朱泚以建中四年叛明年改號曰漢是歲六月伏誅

唐元和初童謠打麥麥打三三三舞了也舊唐書元和十年六月三日武元衡爲盜所害之應本傳曰打麥謂打麥時也麥打謂暗中突擊也三三三六月三日也旣曰舞了也謂元衡之卒也

唐憲宗時童謠緋衣裴小兒坦其腹度天上有

口吳被驅逐此卽裴度擒吳元濟之兆

趙璘因話錄璘年小在江漢嘗與羣兒戲以竹
箆爲鎗鳥翎飾其上列紙爲旌旗作戰鬪之狀
相向云殺俄爾立定又云再殺不數年憲宗翦
除羣寇蔡齊二巨猾相次夷滅再殺之應也

咸通七年童謠曰草青青被嚴霜鵲始巢後看
顛狂

咸通十四年成都童謠曰咸通癸巳出無所之
蛇去馬來道路稍開頭無片瓦地有殘灰是歲
歲陰在巳明年在午巳蛇也午馬也

唐僖宗時童謠曰金色蝦蟆爭努眼翻却曹州
天下反後王仙芝反于曹州黃巢繼之

僖宗中和初童謠黃巢走秦山東歿在翁家翁
後黃巢入泰山至狼虎谷爲其下林言所殺
乾符六年童謠曰八月無霜寒草青將軍騎馬
出空城漢家天子西巡狩猶向江東更索兵
黃巢未入京師時都人以黃米及黑豆屑蒸食
之謂之黃賊打黑賊

洛陽伽藍記

河間王琛婢曰朝雲善吹篴能爲

團扇歌隴上聲琛爲秦州刺史諸羌叛屢討不服琛令朝雲爲貧嫗吹篪羌皆流涕復降語曰快馬健兒不如老嫗吹篪

西陽雜俎歷城縣光政寺有磬石形如半月臆光如滴扣之聲及百里北齊時移于都內使人擊之其聲杳絕卻令歸本寺叩之聲如故寺人語曰磬神聖戀光政

段文昌字墨卿又一字景初太和四年檢校左僕射從帥荆南或旱禱禱必雨或久雨遇出遊

必霽民爲語曰旱不苦禱而雨雨不愁公出遊

五代謠

五代史劉知俊初事梁太祖後奔蜀王建雖加寵任然亦忌之嘗謂近侍曰劉知俊非爾輩能駕馭不如早爲之所有嫉之者于閭里間作謠云黑牛出圈椶繩斷知俊色黔丑生棕繩者王氏子孫皆以承宗爲名故以此疑忌之遂見殺于成都朝野僉載云黑牛無係絆椶繩一時斷朝野僉載竹鼯生于深山取之甚難岐灤睚眦

秦隴之地無遠近此物爭出或穿墉壞城或自
出門闥而入犬食不盡則並入人家房內秦民
之口腹飫焉童謡貓貓引黑牛天差不自由但
看戊寅歲揚在蜀江頭庚午歲劉知俊叛梁入
秦天水破入蜀王建殺知俊粉其骨揚入蜀江
正戊寅歲也

李後主時江南童謡索得娘來忘却家後園桃
李不生花猪兒狗兒都歿盡養得猫兒患赤痕
娘謂再娶周后猪狗歿謂盡戊亥年赤痕目病

猫有目病則不能捕鼠謂不見丙子之年也

江南野錄天祐中江南童謡東海鯉魚飛上天

徐知誥冒姓李氏東海徐氏之望鯉其冒也

王建據蜀之後有一僧常持大帚每遇卽汎掃
人以掃地和尚目之掃畢輒寫水行仙怕秦川
其後王衍秦川之禍人方悟水行仙衍字也

吳處厚青箱雜記蜀王衍在蜀時童謡我有一
帖藥其名爲阿魏賣與十八子其後衍兄宗弼
果賣國歸唐宗弼乃王建養子本姓魏此其應

也

周顯德中齊州謠踏陽春人間二月雨和塵陽
春踏盡西風起腸斷人間白髮人

廣南日寶未有稻田自海中浮來上魚藻門外
民聚觀之布衣林楚材見而嘆曰水魚湫湫兮
南時好事或有記其語洎王師至潘美爲部署
方悟爲潘字

光啓中陳巖爲福建觀察使童謠曰潮水來山
巖沒潮水去矢口出其後王潮果代巖而審知

襲位山巖巖也矢口知也

王審知時有謠曰風吹楊葉鼓山下不得錢來
兵不罷後福州軍校李仁福殺帥自立而歸欵
于金陵旣又叛李璟璟攻之仁福又求救于錢
塘比錢塘兵至而江南圍解獲其將楊匡業乃
其應也

鼓山在福州

廬陵劉言世爲馬氏宿將節度朗州號劉鋹樂
及馬氏將亂民間謠曰馬去也不用鞭敲樂過
今年其後邊鎬入長沙盡俘諸馬歸于金陵而

詩言 卷五
鎬亦爲王逵所逐言是歲亦爲潘叔嗣所殺皆其應也

龐巨昭善星緯之學唐末爲容州刺史惡劉隱殘虐乃歸長沙或問湖南與淮南國祚短長巨昭曰吾入境來聞童謠曰三羊五馬馬子離羣羊子無舍自今以後馬氏當五主楊氏當三主後皆如其言

唐末丹陽民常戲語曰待錢來待錢來及後錢鏐授鎮海軍節度潤州刺史遂據有錢塘乃錢來之應

西湖志忠懿王時有和尚行歌于市云還鄉寂寂杳無踪不挂征帆水陸通路得故鄉田地穩更無南北與西東或問其說但云明年大家都去未幾果有納土之應

西湖志晉天福中浙中兒童市井皆以趙字爲語助如云得則曰趙得云可則曰趙可通國皆然及晉末趙延壽貴盛浙人謂必應讖後延壽爲北虜所執而謠言益盛已宋祖受禪錢氏納

詞話 卷五
土浙中皆屬趙矣

詞話卷六

宋謠

明豫章郭子章
明西蜀 造訂校

宋太祖建隆中京師士庶及樂工少年競唱歌
曰五來子合建隆開寶凡平荆湖川廣江南五
國皆來朝

蜀孟昶每歲除日命翰林為詞題桃符正旦置
寢門左右末年學士幸寅遜撰詞昶以其非工

言言 卷六
自命筆題云新年納餘慶嘉節賀長春杲以其
年正月降王師卽命呂餘慶知成都府而長春
乃太祖誕聖節名也

開寶初廣南劉鋹令民家置貯水桶號防火大
桶又鋹末年童謡曰羊頭二四白天雨至後王
師以辛未年二月四日擒鋹識者以爲國家以
火德王房爲宋分羊未神也又雨猶天水斥國
姓也又曰王師如時雨之義也防與房桶與宋
同音

皇祐三年正月戊午狄青敗儂智高于歸仁宋
初謡言農家種糴家收至是智高果爲青所破

皇祐中汾河謡漢似胡兒胡似漢改頭換面總
一般只在汾河川子畔狄青汾河人以平儂智

高功爲樞密使疾之者欲以此謡中傷之范鎮

曰此唐太宗殺李君羨上安肯爲之

東齊紀事

宋真宗時童謡欲得天下寧須拔眼中丁欲得
天下好無如召寇老丁丁謂寇寇準也

宋哲宗元祐中童謡大惇小惇殃及子孫大惇

章惇小惇安惇也

宋欽宗時童謠城門開言路閉城門閉言路開
宋靖康末市井謠喝道一轂下階齊脫了紅繡
鞋後金人入汴宮人皆驅逐北行

避戎夜話金人既出境朝廷措置多不急之務
如復春秋科太學生免解改舒王從祀之類時
爲語曰不管肅王却管舒王不管燕山却管聶
山不管山東却管陳東不管東京却管蔡京不
管河北界却管秀才解道路之言切中時病如

此

清夜錄宋人不以報復爲急崇尚虛文爲務當
時語曰不籍軍人籍黨人不理防秋理春秋

歐陽公歸田錄宋制大宴樞密使副不坐侍立
殿上旣而退就御厨賜食與閣門引進四方館
使列坐廡下親王一人伴食每春秋賜衣門謝
則與內諸司使副班於垂拱殿外庭中而中書
則別班謝于門上故朝中語曰厨中賜食階下
謝衣

白獺髓紹興初行都童謠洞洞張河爺娘一似
 六軍之教場忽民間遺火自大瓦子至新街約
 數里是時皆葦席屋後嘉泰初童謠曰掀也又
 曰火裏此銀匠大小皆語及此忽季春楊浩家
 遺火自龍舌頭山延燒至艮山門外船塢自南
 至北僅五十餘里楊浩父子偕竄海南其時守
 臣趙善堅殿帥吳曦步帥夏侯恪因是罷去
 紹興二年李綱帥長沙道過建寧僧宗本題邑
 治之壁曰東燒西燒日月七七後數日江西盜

李仁入境焚其邑七月七日也

西湖志紹興三年八月浙右地生白毛韌不可

斷童謠曰地動白毛生老小一齊行

紹興中鼎澧謠若欲除我除是飛來是時鼎澧

間大寇夏誠劉衡楊么據洞庭湖自云云後為

岳飛所擒

宋淳熙中梁宋間童謠黃河災天水來時河決

入汴梁宋間有此謠天水者宋姓也遺黎以為

恢復之兆

白獺髓紹興初行都童謠洞洞張河爺娘一似
 六軍之教塲忽民間遺火自大瓦子至新街約
 數里是時皆葦席屋後嘉泰初童謠曰掀也又
 曰火裏此銀匠大小皆語及此忽季春楊浩家
 遺火自龍舌頭山延燒至艮山門外船塲自南
 至北僅五十餘里楊浩父子偕竄海南其時守
 臣趙善堅殿帥吳曦步帥夏侯恪因是罷去
 紹興二年李綱帥長沙道過建寧僧宗本題邑
 治之壁曰東燒西燒日月七七後數日江西盜

李仁入境焚其邑七月七日也

西湖志紹興三年八月浙右地生白毛韌不可

斷童謠曰地動白毛生老小一齊行

紹興中鼎澧謠若欲除我除是飛來是時鼎澧

間大寇夏誠劉衡楊么據洞庭湖自云云後為

岳飛所擒

宋淳熙中梁宋間童謠黃河災天水來時河決

入汴梁宋間有此謠天水者宋姓也遺黎以為

恢復之兆

言言 卷六 四
宋淳熙末莎衣道人歌胡孫死鬧啾啾也須還
我一百州後金酋葛王死其孫璟立不以序諸
酋長爭立內亂志士以不撫定爲惜

淳熙中淮西競歌汪秀才曲曰有个秀才姓汪
騎个驢兒過江江又過不得做盡萬千趨將又
爲撲舞以和之後舒城狂生汪格謀不軌州兵
入其家縛之其子拒殺聚惡少數千爲亂轂言
渡江事平格伏誅

淳熙十四年都城市井歌曰汝亦不來我家我
亦不來汝家至紹熙二三年其事始應于兩宮
隔絕

紹定三年都城市井作歌詞末句皆曰東君去
後花無主朝廷惡而禁之未幾景獻太子詢薨

西湖志賈似道當國時臨安謠云滿頭青都是
假這回來不作耍其時京師女妝競尚假玉因
以假爲賈喻似道專權而景炎丙子之亂非復
庚申之役也似道遭貶時人題壁云去年秋今
年秋湖上人家樂復憂西湖依舊流吳循州賈

循州十五年間一轉頭人生放下休此語視雷
州寇司戶之句尤警吳循州謂履齋之貶乃賈
擠之也

西湖志丁大全罷吳潛代相爲人豪雋其兄弟
多以附麗登庸賈似道與潛有隙遂爲飛謠于
上曰大蜈蚣小蜈蚣盡是人間業毒蟲蝨緣攀
附百蟲叢若使飛天能食龍語聞罷潛謫循州
中毒歿

西湖志賈似道賜第葛嶺大小朝政就決館中
宰執充位而已當時爲之語曰朝中無宰相湖
上有平章

杭州官府往往以傍湖水面標送勢豪編竹節
水專菱芡之利或有因而漸築塍埂者寧念前
人作者之勞杭歌有曰十里湖光十里筓編筓
都是富豪家待他享盡功名後只見湖光不見
筓

西湖志宋末臨安有謠云江南若破白鴈來過
蓋伯顏之讖也劉靜脩白鴈行北風吹起易水

言言 卷六
寒北風再起吹江干北風三吹白鴈來寒風直
薄朱嵯山乾坤意氣三百年一風掃地無留殘
萬里江湖想瀟洒佇看春水鴈來還蓋寓言也

元謠

平江紀事元貞初升崑山縣爲州州治去府城
七十二里延祐中移治太倉未移之先太倉江
口打碗花子遍地盛開民謠云打碗花子開今
搬州縣來遷移之後常有鼠郎出沒廳事上民
復謠云黃郎屋上走州來住不久至正間果復

移回玉峯舊治

延祐改元太倉有一丐者堆髻額上身披皂衣
赤脚手携大瓢常於府水軍萬戶寨及張京馬
頭往來酒家乞酒酒醉輒奔走叫云牛來了牛
來了衆人跟我去日以爲常奔走叫噪凡三月
餘又于寨木及人家門壁上連書火字人皆惡
之詈之朴之不知所往是冬海賊牛大眼烏合
不逞自劉家港至太倉大肆剽掠水軍寨張京
鎮人家俱被火燒毀殺人橫地人始悟昔日丐

者語

致和戊辰八月平江鐵瓶巷劉大醫家有牡丹數株各色盛開開凡三度初開者若茶盃大中間綠葉如神佛狀數日乃萎二度開者若五升竹籬花葉成人馬形半月乃萎三度開者如酒盞大其葉細長若幡幢旗幟狀而羅衫紫與粉紅樓子甚多三日而萎觀者日數百人闌檻擁毀不可止過童謠云牡丹紅禾苗空牡丹紫禾苗歿明年明宗登極五月暴崩廟諱乃和字也

元順帝至元五年八月京師童謠白鴈望南飛馬札望北跳明年伯顏有異志貶南恩州道歿是爲白鴈南飛之應嗣後淮南大亂相率北跳矣

元史至元二十八年六月壬寅彰德路天寧寺塔忽變紅色自頂至踵表裏透徹如煨鐵初出于爐頂上有光焰迸發自二更至五更乃止癸卯甲辰亦如之先是河北有童謠塔兒黑北人作主南人客塔兒紅朱衣人作主人公朱係

國姓爲 太祖華夏共主之應

至正五年淮楚間童謠富漢莫起樓窮漢莫起
屋但看羊兒年便是吳家國我 太祖以丁未
稱吳元年是其應也

十年河南北童謠石人一隻眼挑動黃河天下
反明年詔賈魯治河淮南兵起

十五年京師童謠一陣黃風一陣沙千里萬里
無人家回頭雪消不堪看三眼和尚弄瞎馬

古今風謠元至正中大理童謠曰莫道君爲山

海主山海笑咳咳園中花謝千萬朵別有明主
來

元至正中燕京童謠牽郎郎拽弟弟打破碗兒
便坐地○陰涼陰涼過河去日頭日頭過山來
○脚驪斑斑脚躡南山南山北斗養活家狗家
狗磨麩三十弓箭上馬琵琶下馬琵琶驢蹄馬
蹄縮了一隻

元景州童謠皇舅墓門閉運糧向北去皇舅墓
門開運糧向南來

元末湖湘中童謠不怕水中魚只怕岸上猪猪
過水見糠止猪朱同聲 國姓也見糠止定鼎
建康也陳友諒沔陽漁家子也

西湖志元至正辛巳暮春江浙行省平章政事
執理瓦台衣紅服入城之任童謠曰火殃來明
年壬午四月一日大火數百年浩繁之地一旦
凋敝矣

謠語卷六

畢

謠語卷七

明豫章郭子章彙編

明西蜀顧 造訂校

大明謠

羣譚採餘洪武改元山西童謠云少做衣裳少
做鞋過了年下去南臺次年太原晉寧皆陷其
人多徙于南方

古今謠洪武中童謠鬍胖長官人不商量

解縉奏疏椎埋噐悍之夫闖茸下愚之輩朝捐

刀鐻暮擁冠裳左棄筐篋右符簪組剔履之賤
袞繡魏莪負販之傭車馬奕赫賢者羞爲之等
列庸人患習其風流故有官人不商量做官沒
盤纏之諺

周顛仙鄉談常謠世間甚麼動得人心只有胭
脂胚粉動得婆娘嫂裏人

革除中童謠煙煙北風吹上天團團旋窠裏亂
北風來便吹散

正統中京師小兒禱雨謠雨地雨地城隍土地

雨若大來謝了土地

水東日記云又有羣兒環繞一人按月問云正月裏

狼來咬羊齊拒之至八月則放狼入尤協後之驗也

正統乙巳童謠牛兒呵莽著黃花地裏倘著你
也忙我也忙伸出角來七尺長

天順丁丑童謠京城老米貴那里得飯廣鷺鷥

水上走何處尋魚噍

范廣天順中名將于謙少保肅愍公也未幾范廣歿

謙遭石亨之患

羣譚採餘天順癸未會試監試御史焦時有不

因南省火怎得狀元焦之語時人謂今焦御史

言言
卷十
監試能無忌乎未幾春闈果被火市謠曰御史
原姓焦科場被火燒是皆偶然符合亦有定數
未可槩謂附會之說也

正德中川蜀有流賊藍廷瑞鄆老人之變統御
非人官軍所過掠劫甚于流賊百姓歌之曰強
賊放火官軍搶火賊來梳我軍來篋我

正德中北京童謠馬倒不用喂鼓破不用張

馬永

成張永谷大用魏彬四宦專權害政後皆
廢出鼓卽谷也燕京之音呼谷爲鼓云

西湖志錢塘洪鍾官四川按察使發奸擿伏聽

決如流庭無宿訟時僉事屈銳者與洪齊名故
蜀有洪不支鍋屈不解檐之謠

西湖志菜市橋舊在杭東門外上唐沙地宜菜
故宋時有東菜西水南柴北米之謠其河曰菜
市河

蘇談處州葉宗留叛時有童謠曰到中秋過蘓
州人皆相傳驚不已或傳賊有二飛劍能殺人
者人益惑忽有決囚重臣自北來者郵卒執小
黃旗馳報呼云殺人者至矣人莫問其詳皆相

傳報處賊至也棄擔負皆返走入城自楓橋至
閩門肩背相疊皆滿至不能行明日始定郡守
執郵卒杖殺之

楊用脩集博南謠瀾滄自失姜兵備白日公然
劫行李博南行商叢怨歌黃金失手淚滂沱鐵
索菁邊山嵯峨今沙江頭足風波爲客從來辛
苦多嗟我行商奈若何

燕麥謠馬牙冰消林白損我苦蕎傷燕麥甲子
陰鳥無食山頭農甸心客暍暍眼雙流血驢馬
躡春牛吼癩象來窮軍走括金使者空城守

老鴉林謠老鴉林水塘鋪夷寇劫商斷行人
不行蔓草荒官道變爲蛇虺場今日再逢太平
日冷場來往由康莊何年始昔年巳酉今壬子
竹踞金柝聲相聞九哨連連轟雲起老鴉革其
音水塘復清泚商歌旅舞一千里云誰之恩郝
御史

楊用脩臨安夏水謠階簷下雨載帽龍女嫁天
公笑日反燒水淹竈巖洞青龜上樹叫

楊用脩雪關謠雪關謠述途人思何將軍也將
軍名卿成都人其謠曰雪山關雪風起十二月
斷行旅霧爲箐冰爲臺馬毛縮鳥鳴哀將軍不
重來西路何時開

楊用脩蜻蛉謠蜻蛉美姜公也公未蒞止西郊
不聞平息浹年公在斯矣聆輿誦采民謠綴茲
風耳而目之乃知美非溢也其謠曰蜻蛉川蛾
碌野鐵菁窮崖飛鳥不下魍結成羣行白日腥
風洒繫我羸牛驅笮馬金雞廟前無行者使君

坐紫城抱鼓卧不鳴蒼山平洱水清守犬無夜
驚行商達天明白羽蠹青苗生南山踏歌北山
耕願留使君住只愁使君去畏途前番君不聞
高車駟馬亦使君劫商車下殷車輪

楊用脩羅甸曲四首貴州道中○山圍羅甸國
水繞的澄橋橋下東流水可惜無蘭橈○寒燈
閼孤館陰雲鎖重城長夜恒思曉久雨恒思晴
○登山千尋梯下阪九仞井雨潤衣珠融風吹
鬢毛冷○蠻樹不凋葉蠻雲不放晴長亭望不

見何處是渣城

楊用脩關嶺曲四首 貴州○倦枕愁雞鳴問郎
今日程中路不可宿長途須早行○北登雞公
背南望象鼻屹相逢試相問往來定誰難○關
索嶺四十三盤高前有安龍菁行人莫辭勞○
老鴉關仰樹間靈卜西去何當還

楊用脩盤江行 可憐盤江河年年瘴癘多青草
二三月綠煙生碧波行人好經過

楊用脩七盤勞歌 一盤谿谷低仰首愁攀躋蠶

崖白雲上鳥道金天西二盤行漸難谷口野風
寒石磴愁旋馬行人各解鞍三盤雲霧堆側徑
轉迂迴前旌正延佇駿騎莫相催四盤連翠微
峰日隱晴暉石齒啣人足樹枝罨人衣五盤勢
更高俯見棲鳥巢巖巒暫相倚人馬同時勞六
盤窮攀緣真似上青天下瞰已峻絕上望更巍
然七盤險棧平眺望已分明西征通蜀道北望
指秦城

楊用脩層臺驛 陡坡千百磴破店兩三家濕竈

新無焰硯田飯有沙瘦兵宵泣血猛虎晝磨牙
行路難如此羈愁一倍加

楊用脩黃柏行寧食苦黃柏莫作貴州客寧食
頭七醋莫行貴州路

楊用脩烏撒寒三四五六七言烏撒天玄雲簇
雪爲林冰爲谷脫火龍髯縮金鳥足鳶跼溪毒
淫羊腸版詰屈四載難以乘橈五枝詎能緣木
獨行衆衆况瘁人向曉欲投何處宿

楊用脩貴州雜歌林雲菁霧不分天清露常如
雨線穿百里迥無煙火接依稀猶似燧人前○
綺繒纏髻作雕題鐵距穿鞋學馬蹄清曉樵斤
探虎穴黃昏汲甕下猿梯

陳眉公見聞錄松江有謠云潮到泖出閣老時
徐文貞入相而泖有潮矣太倉之潮至儀亭而
未齋顧公以狀元相又潮至婁門而瑤泉申公
荆石王公大拜矣

陳眉公見聞錄吳淞江久湮童謠云要開吳淞
江須湮海龍王人謂工難成耳後巡撫海公倡

言言
卷一
議聞濬而董其事者則郡同知黃蘇州推官龍
也其讖始驗是時兩月不雨厥功易集殆天意
云

謠語卷七

畢

